



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani

**Brunner, Andreas
Pfeffer, Wilhelm**

Antverpiæ, 1663

S. Matthæus Ap. & Eu. 21. Septembris.

urn:nbn:de:hbz:466:1-41940

588 VITÆ SANCTORUM. 21 Sept.
derunt. Tunc turusticanus & pauper exul-
tabis & videbis, & dices: Ecce crucifixus
Deus meus; ecce iudex qui obvolutus pannis
in præsepio vagit. S. Hier. ep. I.

S. MATTHÆUS AP. & EU.
21. Septembris.

V Idit Iudæa hodie clarum inter pauca
miraculum: Camelum scilicet per
angustias acus se penetrantem. MAT-
THÆUS fuit, è prædite Publicano im-
piger Christi sectator, cuius etiam vi-
tam literis descriptam reliquit, maxi-
mam posteris hæreditatem. In Æthiopia
multa illi lucta cum Magis fuit, qui ge-
minos aliquando in Divum dracones e-
miserunt, sed quos ille quàm mox cicur-
res in loca sola amandavit. Cum his
monstris etiam perfidia exulavit. Nam
cum insuper filium regis demortuum ad
vitam revocasset, permota hujuscemodi
miris regni longè maxima pars CHRIS-
TUM amplexa est. Sed cum regnum
adiisset, qui Iphigeniam jam olim Deo
desponsam copulare sibi sacrilegus per-
tentaret, MATTHÆUS, quòd palam
impium prociim damnaret, dum ad
aram facit, securi casus ipse victima sa-
cerdos cadit. Continuò Iphigenia virgi-
nitatis Patrono templum ponit. Hic Rex
non amore jam modò, sed irâ etiam
ardens, ignes Virginis ædibus subicit.
Sed

Sed iterum pro pudore Angelo è cælis & D. MATTHÆO pugnans, flamma ad tyranni tecta evolans vix locum dedit, ut cum filio se subduceret. Nimirum mors illi minimè sicca debebatur. Sui ipsius carnifex suum deniquè hausit sanguinem, qui alienum semper sitiverat, regnumque Iphigeniæ germano reliquit, sub quo (utpote Christiano) liberè jam colere Æthiopia MATTHEUM cœpit, cui quidem nos illud palmarium dicimus, quod purioribus undis primus non frustra Æthiopes laverit. *Ex Lippe-
loo.*

Agnosce te peccatorem, ut tecum prandeat Christus, intra cum peccatoribus convivium Domini tui ut possis non esse peccator. Agnosce Christum, audi Dominum tuum, audi caelestem medicum: si vis curam, agnosce languorem; si cupis misericordiam, confitere peccatum. P. Chrysol. serm. 2. de S. Matth.

S. MAURITIUS CUM SOC. MM.

22. Septembris.

Vocaverat ex Thebæâ legione jam semel iterumque ad supplicium decimum quemque Maximianus, cum ita ad reliquos dux MAURITIUS: Libavimus milites hodie sanguinem nostrum, nondum litavimus. Sed bonum factum! litabimus, ubi nostrum cum
fo-